

Toi Puoro Kaupae 1

Tautuhinga Aromatawai Ā-Waho 2024

Te Paerewa Paetae	92090
Te Ingoa	Te whakaatu māramatanga ki ngā huānga toi puoro
Te Marautanga	Te Marautanga o Aotearoa
Te Wāhanga Ako	Toi Puoro
Ngā Whiwhinga	E 4
Te Tukanga Aromatawai	He Tūmahi Aromatawai Pātahi (TAPā)
Te Rā Aromatawai	Te 31 o Mei 2024
Te Roanga o te Aromatawai	E 90 meneti

Te Tūmahi Aromatawai Pātahi (TAPā)

He tūmahi te Tūmahi Aromatawai Pātahi (TAPā), ka whakaritea, ka mākahia hoki e Te Mana Tohu Mātauranga o Aotearoa (NZQA), engari ka whakahaerehia e te kura.

Ko te rā kua whakaritea e tutuki pai ai tēnei TAPā, ko te 31 o Mei 2024. Ka tukuna atu e Te Mana Tohu Mātauranga o Aotearoa tētahi honongaitua ki te TAPā.

Te Whakatakotoranga Aromatawai

Mā te ākonga e whiriwhiri tētahi o ngā mahinga toi puoro e toru e whakaatuhia ana hei whakarongo, hei titiro, hei whakautu pātai māna.

Ko ngā whakautu a te ākonga he whakahoki whakaaro e ai ki ōna māramatanga ki ngā huānga toi puoro, ki:

- te hā,
- te reo,
- te oro,
- te hāngū,
- te tangata,

- te rangi,
- te manawataki,
- te tōiri o te reo.

Ko te rauemi, he kōwhiringa toi ataata ina koa:

- Ko te mahinga tārai
- Ko te kōwhaiwhai
- Ko te peita
- Ko te raranga
- Ko te whakaahua
- Ko te toi matihiko rānei.

Mā te ākonga e whiriwhiri te momo ara aromatawai; he whakautu ā-tuhi rānei, 150 ki te 500 kupu te roa, he whakautu ā-waha rānei, kāore e hipa i te 4 meneti te roa.

Ngā Herenga Aromatawai

Me whakaoti te ākonga i tēnei TAPā ki mua i te aroaro o te kaiako, ā, me whai hoki i ngā ture whakamātautau: [NCEA - Assessment and Examination Rules and Procedures](#). I te wā o te aromatawai, me aro anake ngā ākonga ki ngā rauemi kua whakaaetia mō te aromatawai.

Kāore e whakaae te kawē tuhinga kē, rauemi tautoko kē rānei ki roto i te rūma whakamātautau. Ka 90 meneti noa te roa ki te ākonga ki te whakaoti i tēnei TAPā. Mō te tūpono ka raru te ipurangi, ka tukua hoki he kape ā-pepa.

Me tuhi i ngā kōrero ki te reo Māori anake.

Hei āpitihanga atu ki ngā tikanga aromatawai

Ki te kore te ākonga e mahi i te aromatawai i te rā o te aromatawai, me whai te tukanga o te *'Derived Grade'*. He mea nui kia pupuri te kaiako i ngā taunakitanga o ngā TAPā (whakaharatau) e mārāma ai ki Te Mana Tohu Mātauranga o Aotearoa i te ahunga o ngā mahi, mehemea i whai wāhi atu te ākonga ki tēnei TAPā.